

Det Stori blanga Jona



Wantaim YAWEI det trubala God bin tok langa Jona det san blanga wan olmen neim Ematai. Imbin tok, "Yu garra go langa det bigwan taun gulum Ninaba, en yu garra gibit woning langa ola pipul deya, dumaji ai sabi olabat brabli nogudbala pipul."


Wal Jona nomo bin wandi go deya, en im nomo bin duwit langa YAWEI. Imbin trai ranawei brom im, en imbin go langa det najawan taun gulum Jopa deya wansaid langa solwoda, en deya na imbin wandi gedim bout blanga go langa det longweivan kantri gulum Gashish blanga blandim miselp brom God.

Wal Jona bin faindim wan bout deya redi blanga go langa det kantri, en imbin go en gibit mani langa det boswan blanga det bout blanga go garram olabat.

Brom deya Jona bin gowin langa det bout garram detlot boutmen, en deibin gowei brom deya na, en Jona bin godan insaid langa det bout, en imbin leidan en silip.

Afta na wen det bout bin kamat langa solwoda, YAWEI bin jandim brabli strongbala win langa det bout, en ola boutmen bin brabli bradin blanga det win, en deibin reken det bout blanga olabat garra breikhaf.

Wal detlot boutmen bin ol jinginat langa olabat ronwan drimin blanga album olabat, en deibin stat tjakidawei ola enijing brom det bout blanga meigim im flout gudwei.




Wal det bos blanga det bout bin wokaran langa det bout, en imbin faindim Jona deya silip insaid, en imbin jingat langa im, "Wotfo yu silip? Yu gidap na, en yu jingat langa det drimin blanga yu. (Daitbi im garra stapam dis win en nomo larram wi draun."

Brom deya detlot boutmen bin tok gija, "Wi garra tjakam detlot speshalwan ston blanga faindat hubin meigim dijan trabul kaman langa wi."

Wal wen deibin tjakam detlot speshalwan ston, deibin faindat Jona bin meigim det trabul kaman langa olabat.

Wal deibin askim Jona na, "Yubin meigim dis trabul? Wanim yubin dum? Brom wujei yubin kaman? Weya yu kantri? Wanim traib blanga yu?"

Jona Wal Jona bin tok, "(Dain traib Hībru, en ai bulurum det trubala God langa hebin. Im na bin meigim ola solwoda en ola graun, en im neim YAWEI. Jona En aibin trai ranawei brom im."



Wal wen detlot boutmen bin irrim det wea, deibin ol bradin, en deibin askim Jona, "Wotfo yubin ranawei lagijat?"

Brom deya det win en solwoda bin go brabli bigwan en strongbala na, en detlot boutmen bin askim Jona, "Wanim melabat garra du langa yu blanga meigim dis bigbala win en solwoda jidan kwaitbala?"

Wal Jona bin tok, "Wal yumob lafta tjakam mi brom dijan bout langa solwoda. Yumob lafta dum lagijat blanga meigim det strongbala win jidan kwaitbala, dumaji mi na bin meigim dijan trabul kaman langa yumob."

Wal detlot boutmen bin trai deigim det bout langa beingk, en deibin trai pedulum det bout adbala. Bat det win bin go mowa strongbala.

Bambai na detlot boutmen bin jingat langa UAWEI "UAWEI, melabat lafta tjakam dis men langa solwoda. Wal yu nomo kilim melabat blanga im laif, en yu nomo pudum bleim langa melabat blanga dijan gudbala men weya im garra dai, dumaji yu na bin wandim dijan ting garra hepin lagijat."

Brom deya detlot boutmen bin grebum Jona, en deibin tjakam im langa det solwoda, en streidawei det win en weib bin jidan kwait.

Wal detlot boutmen bin brabli bradin blanga UAWEI na, en deibin meigim det sekrifais serramoni blanga im, en deibin meigim olkain pramis langa im.

Wal UAWEI bin jandim bigwan fish blanga julurum Jona, en Jona bin jidan insaid langa det fish binji fo 3 dei en 3 nait.

© Bible Society Australia. Free for non-commercial use.
Contact 8292 4815 or visit
www.biblesociety.org.au/indigenous .

wal brom insaid langa det jisi/ binji jona bin jingat langa
YAWEI det trubala God.



"YAWEI, wen aibin abum trabul,
aibin jingat langa yu,
en yubin irrim mi.
Wen aibin gulijap binij,
aibin jingat langa yu blanga album mi,
en yubin irrim mi jingat.


Yu na bin tjakam mi insaid langa dijan dipwan woda.
Olawei raitdan insaid langa dijan solwoda yubin tjakam mi.
Ola solwoda bin draundim mi,
en det win en weib bin jidan longwei ontop langa mi.

Wal aibin reken yubin andimwei mi olagija,
en aibin reken ai kaan luk det seikridwan Serramoni Pleis
blanga yu deya langa main kantri enimo.

Wal aibin godangodan,
en det solwoda bin draundim mi,
en imbin meigim mi lujim main win na.
Detmatj solwoda bin olaran langa mi,
en ola gras insaid langa det solwoda bin taiyimap mi langa
main hed.

Aibin godangodan raitdan raidap aibin gajimap det graun,
en deya na ai bina dai olagijawan.
Bat najing. Ai nomo bin dai,
dumaji yu, main God, yubin bringimbek mi laibala brom det
solwoda.

© Bible Society Australia. Free for non-commercial use.
Contact 8292 4815 or visit
www.biblesociety.org.au/indigenous .



Wal wen aibin gulijap dai,
aibin jinggabat yu,
en yubin irrim mi deya brom det Serramoni
Pleis blanga yu,
en yubin jandim det fish blanga julurum mi
wulijim ai kaan dai.

Wal detlot pipul hu bulurum olabat ronwei
nomo bulurum det wei blanga yu.

Bat ai gibit theingks langa yu,
en ai garra meigim det sekrifais serramoni
blanga yu du.
En ebrijing weya aibin dalim yu wen aibin
jingat langa yu,
wal ai garra duwit langa yu na.
Wal **YAWEI**, yu na det trubala God,
en oni yu gin seibum pipul."

Jona Lagijat na Jona bin tok langa **YAWEI**,
en God bin tok langa det fish, en det fish bin
bako Jona langa det senbeingkwansaid langa
det solwoda.

© Bible Society Australia. Free for non-commercial use.
Contact 8292 4815 or visit
www.biblesociety.org.au/indigenous .



Brom deya YAWEI det trubala God bin tok langa Jona wanmo. "Yu garra go langa det taun gulum Ninaba, en yu garra gibit woning langa ola pipul deya. Yu garra dalim olabat wanim aibin dalim yu basdam."

Wal Jona bin lisin langa God, en imbin go langa det taun. Det taun bin brabli bigwan pleis, en imbin deigim im 3 dei blanga wok rait thru langa det taun.

Wal langa det feswan dei Jona bin wok langa det taun, en imbin dalimbat ola pipul deya. Imbin tok, "God garra barnimap dijan taun en ola pipul fodideistaim."

Wal ol detlot pipul langa det taun bin ol lisin langa det wed blanga God, en deibin tok, "Wi garra werrimon ola sekbeigwan klos, en wi kaan dagat eni daga du. Wi garra dum lagijat blanga shoum God wi garra libum ola nogudbalawei blanga wi en bulurum det wei blanga im. Wi holot garra dum lagijat." ☒

(Jona 1:1-17, 2:1-10, 3:1-5)

© Bible Society Australia. Free for non-commercial use.

Contact 8292 4815 or visit

www.biblesociety.org.au/indigenous .